



Aqqalu C. Jerimiassen

UKA 2020/11

Atassut

14. oktober 2020

**Nunatta Karsiata 2019-imut naatsorsuutaasa Inatsisartunit akuerineqarnissaat pillugu
Inatsisartut aalajangiiffisassaattut siunnersuut.**

(Aningaasaqarnermut Naalakkersuisoq)

2019-imi aningaasaqarnikkut nalunaarutit pitsaannerusumik inerneqarsimanerat saqqummiunneqarpoq Naalakkersuisunik. Atassummiillu maluginiangerput imatut oqaasertalerusupparput, aalisartortatsinnit tigusingaatsiarsimanitta tamanna allisangaarsimangaat takuneqarsinnaasoq, tassalu qaleralinnut akitsuusiunneqarsimasoq annertungaatsiartumik isertitaqarfiusimasoq. Tamannalu ilumut naammaginaruunersooq nalilersorneqarsinnaavoq, tassami avataanut tunisassiorinitsinnit aningaasaq pilersinneqartussaavoq, tunisisuniunngitsoq.

Isumaqaarsivorlu maanna ilumut sinneqartoorneq eqqarsaatingalugu nalileqqinneqartariaqalersimasoq, aallertuarniartillutami inuiaqatigiit ataasiakkaatut pissarsiassaat qaffassarsinnaanngivissoratsigu.

Sinneqartooruteqarpallaartarneq pinaversaangassaraarput nunanut ingerlanitsinni, inuiaqatigiinnunni aningaasaq annerpaaq tutsinneqartariaqartoq Atassummiik isumaqarpugut.

Sorpassuit akitsorneqarnerisigummi inuiaqatigiinnut sinneqartoorutinik saqqummiisarneq pissusissamisoorsorinangimmat.

Namminiilivinniapiloornermut aningaasanik atuiuarnerput millisinniartigu, inuiaqatigiillu ikiungassaanerpaat samminerullugit.

Eqiterussinerujussuaq suli ulloq manna tikillugu sorpassuartigut inuunitsinni akitsortitsiartortuarput, inuiaqatigiinnununa aningaasaq siaarnerusassaq sulisillugulu tassuuna. Imaattariaqanngilarli sinneqartoorujussuarnikkut inuiaqatigiinnut pissarsiassaq annerpaassasoq, inuiaqatigiinniinguna tamanna annerpaatigut aallernikkut pitinneqarsimasoq. Naasuitsumik akitsuuseqqilaartuarneq naliginnaasorilersimavarput, aqqullu taanna sumilluunniit aningaasanik pusittaariniarnitsinni sakkutuutut atulertutulluunniit ilisimallugu, qaqugumorsuarli taamaattoqartuarsinnaanngilaq, misigilerumaarattami taamaalluta taamatuinnaq ingerlanitsigut inuiaqatigut nammatassissimaruttorsigut sulineq allaat imminut akilersinnaajunnaartoq.

Avataanit aningaasaq sanatigu, inuiaqatigiit kaasarfianniunngitsoq.

Taamatut oqaaseqarluta Atassummiik ataatsimiitsitaliaq unneqqarissumik sulilluarnissaanik kissaapparput.